









1616. 19^e. Car. m. 12.
I

4789
HARANGVE DERNIE-
re des DeputeZ de l'Assemblée de
Nismes, au Roy, prononcee par la
bouche du Sieur de Berteuille à la
Roche-foucant, le 3. Janvier, 1616.

SIRE,

Ily à quelque temps que l'assem-
blee de vos subiets de la Religion, a
supplié Monseigneur le Prince de
vouloir rapporter tous ses conseils,
deliberations & actions à la Paix de
cest Estat, & pour cest effect de vou-
loir deputer comme nous vers vo-
stre Maiesté pour la supplier tres-
humblement d'auoir pitié de son
peuple. & de vouloir par le moyen
d'une bonne paix espargner le sang
de vos subiets.

L'impatient desir de voir achemi-

Cass

F

39

326

1616ah

ner vn si bon œuure, à fait que la-
dite Assemblée nous a deputez auant
la responce de Monseigneur le Prin-
ce, lequel nous auons trouué s'estre
desia mis en ce deuoir, & nous, Sire,
pour ce mesme subject venons ap-
porter aux pieds de Vostre Majesté
les supplications tres-ardentes de
vos tres-humbles, & tres-fideles su-
iets de la Religion.

Sire, tandis que le Ciel est ouuert
à la priere, il ne se ferme point aux
benedictions, celle-cy descendant
de Dieu sur nous, cepédant qu'a-
uec le zele, celle-là monte de nous
à Dieu. Aussi. Sire, l'honneur que
nous auons maintenant d'estre es-
coutez de V. M. qui est la vifue ima-
ge de Dieu sur ces peuples, & de pou-
voir verser en son seing nos tres-
humbles & reiterees supplications,
nous a fait esperer que nos paroles

entrans en les oreilles, feront sortir de sa bouche des paroles de bienveillance, & de paix pour les sujets.

Sire, la viue apprehension que nous auons des maux qui menacēt cest Estat, qui ne peut estre esbranlé que vostre auctorité n'en recoiue de la damnation, & nous vne extreme ruyne, nous fait supplier tres-humblement V. M. d'y vouloir apporter les remedes conuenables, & pour sa Iustice, & pour sa bonté, deuant que le mal soit deuenu tel, qu'il ne puisse resister aux remedes.

Aux affaires de ce monde il y en a certaines bonnes establies, que qui les veut porter au delà, les peut difficilement ramener à leur assiette. Au mouuement de cest Estat, il est à craindre, que les humeurs ne s'eschaufent, iusques à tel degré qu'il soit difficile de le remettre au iuste

point de leur repos, les vouloir pousser aux extremes, c'est en rendre les euenements douteux, desquels le plus certain sera tousiours la desolation inéuitable de vos Royaumes. Vaincre mesme par V. M. c'est perdre, & les lauriers les plus verdissans que ses mains puissent recueillir de telles victoires, ne seront que de lamentables Cyprez. Car tous ceux qui se porteront aux armes tant d'un costé que d'autre, les peuples qui gemissent sous la frayer, & les sentimens de tant de calamitez, Sire, dis- ie sont tous vos hommes, tous sont vos peuples, & tout le sang qui se respandra sortira des veines du corps de cest Estat, dont V. M. est le chef.

Sire, pardonnez au zele qui nous emporte, lors qu'il est question du bien de vostre seruice, & si nous

osons dire que les remedes à ces
maux se doiuent plustost arracher
dans vostre prudence, que dans vos
armes, & que tels remedes appor-
tent plus de fruit & de gloire, que les
conseils violens de ceux qui prefe-
rent leurs interests particuliers, au
seruice qu'ils doiuent à V. M. essa-
yent d'allumer vostre courroux cō-
tre vos fidelles suiets, sans espar-
gner mesmes ceux qui ont l'hōneur
d'estre de vostre sang, & s'efforcent
par ce moyen d'auancer leurs des-
seings, cependant qu'ils croient
que l'aage tendre de V. M. leur en
donne quelque loisir.

Sire, nous sçauons avec eux que
la nature a donné de certains degrés
aux hommes pour croistre, & que
le plus haut se polit encores par ex-
perience, mais nous sçauons aussi
que l'œil diuin qui esclaire à la naif-

sance des grands , lors leur inspire des ames genereuses & plus fortes qu'au reste des hommes pour pou- uoir pluſtoſt & plus ſagement ſ'ac- quitter des grandes charges qui leur ſont commiſes , & regir les peuples qui leur ſont aſſubietits.

Sire , lors que V. M. daignera prendre la peine de reconnoiſtre, el- le meſme ſes grandes & importan- tes affaires, d'eſcouter les plainctes de ſes ſubieets , d'entendre leurs tres-humbles ſupplications & re- monſtrances, & vouloir eſtre in- formee des deſordres qui ſont en ſon Eſtat , deplorez par les douleurs communes, & celez pour la pluſ- part à V. M. ou elle deſcouurira les ruines du mal, & en reconnoiſtra la cauſe, & lors ſ'il luy plaist, elle prendra les bons & ſages conſeils de la Reyne ſa mere, des Princes &

Officiers de sa Couronne, & de ses
anciens & fideles Conseillers, non
interessez en cest affaire pour ap-
porter vn bon ordre à ces desordres:
& à ces maux des salutaires reme-
des, Sire, qui calmeront ces ora-
ges par vne tranquillité publique,
apporteront à V. M. vn affermissse-
ment en son auctorité Royale, vne
force à son sceptre, en l'amour de
ses suiects, & à son nom vn glorieux
titre de sage, d'Auguste, de grand,
& de pere de son peuple.







